

Na osnovu člana 87.i 122. Pravila Javne ustanove Osnovne škole „Meša Selimović“ sarajevo, Školski odbor JU Osnovne škole „Meša Selimović“ Sarajevo je na 21. redovnoj sjednici održanoj 14.2.2017. godine donio

PRAVILNIK

o korištenju sistema video nadzora

u JU OŠ „Meša Selimović“

I. OPĆE ODREDBE

Članak 1.

(1) Ovim Pravilnikom o korištenju sistema video nadzora u JU OŠ „Meša Selimović“ (dalje u tekstu: Pravilnik) definira se svrha i opseg podataka koji se prikupljaju, način i vrijeme čuvanja te uporaba snimljenih podataka, zaštita prava učenika i ostalih korisnika usluga JU OŠ „Meša Selimović“ (dalje u tekstu: Škola), radnika i svih drugih osoba koji se nađu u školi.

(2) Ovaj Pravilnik primjenjuje se na odgovarajući način sukladno zakonskim i podzakonskim aktima kojima se uređuje i reguliše zaštita ličnih podataka i provedba sistema tehničke zaštite.

(3) Izrazi koji se u ovom Pravilniku koriste, a koji imaju rodno značenje, bez obzira na to jesu li korišteni u muškom ili ženskom rodu, obuhvaćaju na jednak način i muški i ženski rod.

II. SVRHA VIDEO NADZORA

Članak 2.

(1) Sistem video nadzora koristi se zbog zaštite sigurnosti učenika, radnika i svih drugih osoba koje se nađu u školi.

(2) Sistem video nadzora, uz navedeno u stavu 1. ovoga člana, koristi se i za sprečavanje protupravnih radnji usmjerenih prema školskoj imovini od krađe, oštećenja, uništenja i sl.

(3) Snimci koji su snimljeni sistemom video nadzora mogu se isključivo koristiti za navedeno u stavu 1. i 2. ovoga člana.

III. OBIM, NAČIN I VRIJEME ČUVANJA PODATAKA

Članak 3.

(1) Sistem video nadzora snima isključivo prostor Škole (vanjski prostor Škole, školske hodnike)

(2) Snimljeni podaci snimaju se i čuvaju na video snimaču najduže mjesec dana od dana nastanka, a nakon navedenog roka snimci se trajno brišu.

(3) U slučaju opravdane potrebe, a u svrhu dokazivanja direktor može u svakom pojedinačnom slučaju odlučiti da se podaci čuvaju duže od vremena navedenog u stavu 2. ovoga člana, a na način i najduže kako je to navedeno u stavu 4. ovoga člana.

(4) Snimci kojima se dokazuje povreda svrhe nadzora pohranit će se na optički disk (CD, DVD i sl. te čuvati godinu dana od dana pohranjivanja zapisa.

IV. ZAŠTITA PRAVA UČENIKA, RADNIKA I SVIH DRUGIH OSOBA KOJE SE NAĐU U ŠKOLI

Članak 4.

(1) Direktor Škole dužan je osigurati da se na vidnom mjestu pri ulasku u prostor, kao i unutrašnjost prostorija, istakne obavijest da se prostor nadzire sistemom tehničke zaštite.

(2) Direktor, kao ni bilo koja druga osoba, ne smije koristiti podatke o osobama prikupljene sistemom tehničke zaštite izvan njihove zakonske namjene, a raspolaganje snimkama dopušteno je samo Direktoru Škole.

V. ZAVRŠNE ODREDBE

Članak 5.

Ovaj Pravilnik stupa na snagu osmog dana od dana objave na oglasnoj ploči Škole.

Broj: 01-70/2017

Sarajevo, 15. 2. 2017.god.

PREDSJEDNIK ŠKOLSKOG ODBORA:

Faruk Pršeš, prof.